

* 《佛說長阿含經》卷第十¹

後秦弘始年佛陀耶舍共竺佛念譯²

(一二) 第³二分《三聚經》⁴第八

解題

《佛光阿含藏·長阿含經(一)》，頁 16：「佛為諸比丘說義味清淨、梵行具足之微妙法，以『三聚法』分類說之。即趣向惡趣、趣向善趣、趣向涅槃，每一法數各皆增一至十，總計有一百六十五法。」

一、序分

如是我聞：一時，佛在舍衛國祇樹給孤獨園，與大比丘眾千二百五十人俱。

二、正宗分

(一) 佛為諸比丘廣說三聚法

爾時，世尊告諸比丘：「我與汝等說微妙法，義味清淨，梵行具足，謂三聚法。汝等諦聽！思惟念之，當為汝說。」時，諸比丘受教而聽。

1、一法之三聚

佛告比丘：「三法聚者：一法趣惡趣，一法趣善趣，一法趣涅槃。

云何一法趣于惡趣？謂無仁慈，懷毒害心，是謂一法將向惡趣。

云何一法趣于善趣？謂不以惡心加於眾生，是為一法將向善趣。

云何一法趣于涅槃？謂能精勤修身念處，是為一法將向涅槃。

2、二法之三聚

復有二法趣向惡趣，復有二法趣向善趣，復有二法趣向涅槃。

云何二法趣向惡趣？一謂毀戒，二謂破見。

云何二法趣向善趣？一謂戒具，二謂見具。

云何二法趣向涅槃？一謂為止，二（59c）謂為觀。

3、三法之三聚

*編者：釋圓悟。範圍：《長阿含經》卷 10《三聚經第八》至卷 12《大會經第十五》

¹ 三本俱不分卷於此。（大正 01，59d，n.4）

² 〔後秦…譯〕十四字—【聖】。（大正 01，59d，n.5）

³ （長阿含）+【宋】【元】。（大正 01，59d，n.6）

⁴ （1）《佛光阿含藏·長阿含經（一）》，頁 363，註 4：「三聚經：巴利本無此經。」

（2）印順導師著《說一切有部為主的論書與論師之研究》，頁 74：「另一類的纂集，是類集而又依數目編次的，從一到十——增一法。如 1.《長阿含經》（卷九）的《十上經》，是舍利弗 śāriputra 為眾比丘說，內容為：多成法、修法、覺法、減法、退法、增法、難解法、生法、知法、證法。每一法都從一到十而編集，共為五百五十法。……2.《長阿含經》（卷九）的《增一經》，……。3.《長阿含經》（卷一〇）的《三聚經》，分趣惡趣，趣善趣，趣涅槃——三聚，每聚都以增一法說。這三部經，都是法的類集，但又應用增一的編次。」

復有三法趣向惡趣，三法向善趣，三法向涅槃。

云何三法向惡趣？謂三不善根：貪不善根、恚不善根、癡不善根。

云何三法向善趣？謂三善根：無貪善根、無恚善根、無癡善根。

云何三法趣向涅槃？謂三三昧：空三昧、無相三昧、無作三昧。

4、四法之三聚

又有四法趣向惡趣，四法向善趣，四法向涅槃。

云何四法向惡趣？謂愛語、恚語、怖語、癡語。

云何四法向善趣？謂不愛語、不恚語、不怖語、不癡語。

云何四法向涅槃？謂四念處：身念處、受念處、意念處、法念處。

5、五法之三聚

復有五法向惡趣，五法向善趣，五法向涅槃。

云何五法向惡趣？謂破五戒：殺、盜、姪逸⁵、妄語、飲酒。

云何五法向善趣？謂持五戒：不殺、不盜、不姪、不欺、不飲酒。

云何五法趣向涅槃？謂五根：信根、精進根、念根、定根、慧根。

6、六法之三聚

又有六法向惡趣，六法向善趣，六法向涅槃。

云何六法向惡趣？謂六不敬：不敬佛、不敬法、不敬僧、不敬戒、不敬定、不敬父母。

云何六法向善趣？謂六敬法：敬佛、敬法、敬僧、敬戒、敬定、敬父母。

云何六法向涅槃？謂六思⁶念⁷：念佛、念法、念僧、念戒、念施、念天。

7、七法之三聚

又有七法向惡趣，七法向善趣，七法向涅槃。

云何七法向惡趣？謂殺生、不與取、姪逸⁸、妄語、兩舌、惡口、綺語。

云何七法向善趣？謂不殺生、不盜、不姪，不欺、不兩舌、不惡口、不綺語。

云何七法向涅槃？謂七覺意：念覺意、擇⁹法覺意、精進覺意、猗覺意、定覺意、喜覺意、捨覺意。

8、八法之三聚

又有八法向惡趣，八法向善趣，八法向涅槃。

云何八法向惡趣？謂八邪行：邪見、邪志¹⁰、邪語、邪業（60a）、邪命、邪方便、邪念、邪定。

云何八法向善趣？謂世正見、正志*、正語、正業、正命、正方便、正念、正定。

云何八法向涅槃？謂八賢聖道：正見、正志、正語、正業、正命、正方便、正念、

⁵ 逸=洩【元】【明】。(大正 01, 59d, n.7)

⁶ (1)《阿毘達磨俱舍論》卷 4〈2 分別根品〉(大正 29, 19a18-19)：「思謂：能令心有造作。」

(2) 思：思想，意念。(《漢語大詞典》(七))，p.440)

⁷《阿毘達磨俱舍論》卷 4〈2 分別根品〉(大正 29, 19a20-21)：「念謂：於緣明記不忘。」

⁸ 逸=洩【宋】，=洩【元】【明】。(大正 01, 59d, n.8)

⁹〔擇〕—【宋】【元】【明】。(大正 01, 59d, n.9)

¹⁰ 志=思【宋】*【元】*【明】*。[*10-1]志=思【宋】*【元】*【明】*。(大正 01, 59d, n.10)

正定。

9、九法之三聚

又有九法向惡趣，九法向善趣，九法向涅槃。

云何九法向惡趣？謂九惱：有人已侵惱我，今侵惱我，當侵惱我；我所愛者，已侵惱，今侵惱，當侵惱；我所憎者，已愛敬、今愛敬、當愛敬。

云何九法向善趣？謂九無惱：彼已侵我，我惱何益？已不生惱，今不生惱，當不生惱；我所愛者，彼已侵惱，我惱何益？已不生惱、今不生惱、當不生惱；我所憎者，彼已愛敬，我惱何益？已不生惱、當不生惱、今不生惱。

云何九法向涅槃？謂九善¹¹法：一喜，二愛，三悅，四樂，五定，六實知，七除捨，八無欲，九解脫。

10、十法之三聚

又有十法向惡趣，十法向善趣，十法向涅槃。

云何十法向惡趣？謂十不善：身殺、盜、婬，口兩舌、惡罵、妄言、綺語，意貪取、嫉妬、邪見。

云何十法向善趣？謂十善行：身不殺、盜、婬，口不兩舌、惡罵、妄言、綺語，意不貪取、嫉妬、邪見。

云何十法向涅槃？謂十直道：正見、正志、正語、正業、正命、正方便、正念、正定、正解脫、正智。

（二）結說：諸比丘當思惟三聚微妙正法

諸比丘！如是十法，得至涅槃，是名三聚微妙正法。我為如來，為眾弟子所應作者，無不周備，憂念汝等，故演經道。汝等亦宜自憂其身，當處閑居、樹下思惟，勿為懈怠。今不勉力，後悔無益。」

三、流通分

諸比丘聞佛所說，歡喜奉行！

¹¹ 善=喜【宋】【元】【明】。(大正 01, 60d, n.1)